

EL TEREMOTO

Che el vegna de matina opure rente sera
dove che el peta forte, la' se verse anca la tera

Tuti xe la' che studia sta gran calamita'
ma tuti i te lo dise dopo che el xe riva'

Tuto taca tremare, el leto el comodin
la toea le careghe, e i biceri fa tin tin

La paura che te taca, la xe na cosa grande
te scampi fora in pressa, anca se te si in mudande

Pare na eternita, e co te comissi ragionare
la tera e tuto intorno ga' finio de tremare

E te te vardì intorno, ma te gira un poco a testa
xe tuto come prima, ma a paura, quea te resta

Se torna dentro casa, se torno su pae scae
sperando che nessuno se gapia fato mae

Ricordemose ogni tanto, deso che tuto xe pasa'
che el mondo no xe nostro, ma de chi che o ga' crea'